



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀԱԿԱՆ ԵՎ
ԱՇԽԱՏԱՆՔԻ ՏԵՍԶԱԿԱՆ ՄԱՐՄԻՆ
ՀՅՈՒՍԻՍԱՅԻՆ ՏԱՐԱԾՔԱՅԻՆ ԿԵՆՏՐՈՆ
ՊԵՏ

N 17/19697-2023

«04» սեպտեմբերի 2023թ.

2001 ՀՀ Լոռու մարզ, ք. Վանաձոր, Գ. Նժդեհ 14

☎ (374-60) 65-08-37

Էլ. փոստ՝ info@hlib.am

ԿԱՐԳԱԴՐԱԳԻՐ 0349

«ՖԱՐՄ Ա.Բ.Ա.» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
ԱՌԱՋԱԴՐԱՆՔ ՏԱԼՈՒ ՄԱՍԻՆ

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետով և հաշվի առնելով ՀՀ առողջապահության նախարարի 2023 թվականի մարտի 21-ի թիվ ՎԳ/14.1/6521-2023 գրությամբ, ՀՀ առողջապահական և աշխատանքի տեսչական մարմնում (այսուհետ՝ Տեսչական մարմին) 2023 թվականի հուլիսի 07-ին հարուցվել է թիվ 070723-1789 վարչական վարույթ՝ ՀՀ, Շիրակի մարզ, Գյումրի համայնք, Գարեգին Նժդեհի փողոց 3/3 հասցեում գտնվող «ՖԱՐՄ Ա.Բ.Ա.» սահմանափակ պատասխանատվությամբ ընկերությանը (ՀՎՀՀ՝ 08426408) (այսուհետ նաև՝ Ընկերություն) պատկանող դեղատանը «Դեղերի մասին» ՀՀ օրենքի 25-րդ հոդվածի 2-րդ մասով և ՀՀ կառավարության 2002 թվականի հունիսի 29-ի «Հայաստանի Հանրապետությունում դեղերի արտադրության, դեղատնային գործունեության, կազմակերպությունների կամ անհատ ձեռնարկատերերի կողմից բժշկական օգնության և սպասարկման իրականացման, դեղերի մեծածախ իրացման լիցենզավորման կարգերը և նշված գործունեությունների իրականացման լիցենզիայի ձևերը հաստատելու մասին» N 867 որոշման հավելված 3-ի 43.1-ին կետով սահմանված պահանջների պահպանումը պարզելու նպատակով:

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 45-րդ հոդվածի 5-րդ մասը՝ հարուցված վարչական վարույթի



ՀՀ ԱՌՈՂՋԱՊԱՀԱԿԱՆ և ԱՇԽԱՏԱՆՔԻ
ՏԵՍԶԱԿԱՆ ՄԱՐՄԻՆ
HEALTH AND LABOR INSPECTION BODY
OF THE REPUBLIC OF ARMENIA

0047 ՀՀ, ք. Երևան, Լոռու մարզ, ք. Վանաձոր, Գ. Նժդեհ 14
Հեռ. (374-10) 65-05-53 Էլ. փոստ՝ info@hlib.am
www.hlib.am
Թեժ գիծ՝ 8107



շրջանակներում Տեսչական մարմնի մասնագետները զննում իրականացնելու նպատակով 2023 թվականի հուլիսի 20-ին այցելել են ՀՀ, Շիրակի մարզ, Գյումրի համայնք, Գարեգին Նժդեհի փողոց 3/3 հասցեում գտնվող «ՖԱՐՄ Ա.Բ.Ա» ՍՊ ընկերությանը պատկանող դեղատուն, սակայն աշխատանքային խմբին զննում իրականացնել չի հաջողվել՝ տնօրենի քաղաքից բացակայության պատճառով: Տվյալ պահին դեղատունը գործում էր և իրականացնում դեղատնային գործունեություն:

2023 թվականի հուլիսի 25-ին կազմվել է թիվ 842-Ա զննման հրամանը:

Հարուցված վարչական վարույթի շրջանակներում Տեսչական մարմինը 2023 թվականի օգոստոսի 02-ի թիվ 06/16994-2023 գրությամբ դիմել է ՀՀ առողջապահության նախարարություն՝ ՀՀ, Շիրակի մարզ, Գյումրի համայնք, Գարեգին Նժդեհի փողոց 3/3 հիվանդանոց հասցեում գործող «ՖԱՐՄ Ա.Բ.Ա» ՍՊ ընկերության կողմից ՀՀ կառավարության 2002 թվականի հունիսի 29-ի N 867 որոշման հավելված 3-ի 43.1-ին կետով սահմանված փաստաթղթերը ՀՀ առողջապահության նախարարություն ներկայացված լինելու վերաբերյալ տեղեկատվություն ստանալու նպատակով:

2023 թվականի հուլիսի 07-ին հարուցված թիվ 070723-1789 վարչական վարույթի ժամկետը 2023 թվականի օգոստոսի 04-ի որոշմամբ երկարաձգվել է մինչև 2023 թվականի սեպտեմբերի 04-ը:

2023 թվականի օգոստոսի 07-ի թիվ ԱԱ/14/17999-2023 գրությամբ ՀՀ առողջապահության նախարարության կողմից ստացվել է տեղեկատվություն, որի համաձայն «ՖԱՐՄ Ա.Բ.Ա» սահմանափակ պատասխանատվությամբ ընկերությանը (<ՎՀՀ՝ 08426408) ՀՀ, Շիրակի մարզ, Գյումրի համայնք, Գարեգին Նժդեհի փողոց 3/3 հիվանդանոց հասցեում, Առողջապահության նախարարի 2022 թվականի հունիսի 21-ի թիվ 2600-Ա հրամանով տրվել է դեղատնային գործունեության իրականացման թիվ Կ-ԴԳ-002883 անժամկետ լիցենզիան և Ընկերության կողմից լիազոր մարմին ՀՀ կառավարության 2002 թվականի հունիսի 29-ի N 867 որոշման հավելված 3-ի 43.1-ին կետի պահանջներին համապատասխան փաստաթղթեր չեն ներկայացվել:

Տեսչական մարմնի ղեկավարի կողմից 2023 թվականի օգոստոսի 09-ին տրվել է թիվ 935-Ա զննման հրամանը: Ընկերության տնօրեն Արամի Բաղդյանը նշված



հրամանը և դրա վերաբերյալ ծանուցումը ևս չի ստացել, որի պատճառով զննման հրամանը 2023 թվականի օգոստոսի 11-ին տեղադրվել է Հայաստանի Հանրապետության հրապարակային ծանուցումների պաշտոնական ինտերնետային «ազդարար.ամ» (azdarar.am) հայտարարությունների առցանց ընդունման կայքում:

2023 թվականի օգոստոսի 09-ի թիվ 935-Ա զննման հրամանի հիման վրա 2023 թվականի օգոստոսի 22-ին ՀՀ, Շիրակի մարզ, Գյումրի համայնք, Գարեգին Նժդեհի փողոց 3/3 հիվանդանոց հասցեում գտնվող «ՖԱՐՄ Ա.Բ.Ա» սահմանափակ պատասխանատվությամբ ընկերությանը պատկանող դեղատանն իրականացվել է զննում: Զննմամբ պարզվել է, որ դեղատունը գործում է և իրականացնում դեղատնային գործունեություն: Զննման պահին դեղատանն աշխատում էր դեղագործ Անժելա Պետրոսյանը: Վերջինիս կողմից ներկայացվել է միայն իր վերապատրաստման վկայականը:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի և 38-րդ հոդվածի 1-ին մասի պահանջներով՝ հարուցված վարչական վարույթի բազմակողմանիությունը, լրիվությունը և օբյեկտիվությունն ապահովելու նպատակով 2023 թվականի օգոստոսի 24-ի թիվ 17/18908-2023 ծանուցմամբ «ՖԱՐՄ Ա.Բ.Ա» սահմանափակ պատասխանատվությամբ ընկերությունը կամ իր կողմից լիազորված անձը (լիազորագրով, անձը հաստատող փաստաթղթով) հրավիրվել են մասնակցելու 2023 թվականի սեպտեմբերի 04-ին, ժամը 12:00-ին Տեսչական մարմնի հյուսիսային տարածքային կենտրոնում (ՀՀ Լոռու մարզ, ք.Վանաձոր, Գարեգին Նժդեհի 14) կայանալիք վարչական վարույթի լսմանը: Լսման վերաբերյալ ծանուցումը Ընկերությանը ուղարկվել է փոստային առաքմամբ: Լսման վերաբերյալ ծանուցումը տեղադրվել է նաև հրապարակային ծանուցումների պաշտոնական ինտերնետային կայքում (նույնականացման համարը՝ 1354252 - 25.08.2023 թ.), սակայն Ընկերությունից ոչ ոք լսմանը չի ներկայացել:

Արդյունքում պարզվել է, որ Ընկերության կողմից դեղատնային գործունեությունը սկսելուց առնվազն հինգ աշխատանքային օր առաջ լիազոր մարմնին չի ներկայացվել ՀՀ կառավարության 2002 թվականի հունիսի 29-ի N 867 որոշման հավելված 3-ի 43.1-ին կետով սահմանված փաստաթղթերը, որով խախտվել են ՀՀ կառավարության

2002 թվականի հունիսի 29-ի N 867 որոշման հավելված 3-ի 43.1-ին կետով սահմանված պահանջները:

Հիմք ընդունելով վերոնշյալը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 1-ից 7-րդ գլուխներով, ՀՀ կառավարության 2002 թվականի հունիսի 29-ի N 867 որոշման հավելված 3-ի 43.1-ին կետով և ՀՀ վարչապետի 2018 թվականի հունիսի 11-ի N 755-Լ որոշմամբ հաստատված ՀՀ առողջապահական և աշխատանքի տեսչական մարմնի կանոնադրության 19-րդ կետի 7-րդ ենթակետի պահանջներով.

ԿԱՐԳԱԴՐՈՒՄ ԵՄ

1. «ՖԱՐՄ Ա.Բ.Ա» սահմանափակ պատասխանատվությամբ ընկերությանը՝ ի դեմս տնօրեն Արամո Բադեյանի.

1) սույն կարգադրագիրը ստանալու օրվանից եռօրյա ժամկետում ձեռնարկել համապատասխան միջոցառումներ, ապահովելով ՀՀ կառավարության 2002 թվականի հունիսի 29-ի «Հայաստանի Հանրապետությունում դեղերի արտադրության, դեղատնային գործունեության, կազմակերպությունների կամ անհատ ձեռնարկատերերի կողմից բժշկական օգնության և սպասարկման իրականացման, դեղերի մեծածախ իրացման լիցենզավորման կարգերը և նշված գործունեությունների իրականացման լիցենզիայի ձևերը հաստատելու մասին» N 867 որոշման հավելված 3-ի 43.1-ին կետով սահմանված պահանջների կատարումը՝ ՀՀ առողջապահության նախարարություն ներկայացնել.

ա. դեղատանն աշխատանքն իրականացնող՝ համապատասխան որակավորում ունեցող դեղագետի կամ դեղագործի հետ կնքված աշխատանքային պայմանագրի պատճենները,

բ. դեղատանն աշխատանքն իրականացնող՝ համապատասխան որակավորում ունեցող դեղագործի միջին մասնագիտական կրթության փաստը հավաստող վկայականը և վերջին հինգ տարվա ընթացքում վերապատրաստման վկայականը,

գ. Հայաստանի Հանրապետության օրենսդրությամբ սահմանված կարգով վտանգավոր թափոնների վնասագերծման ոլորտում համապատասխան լիցենզիա ունեցող որևէ կազմակերպության հետ կնքված պայմանագրի պատճենը.



ՀՀ ԱՌՈՂՋԱԿԱԽԱՆ և ԱՇԽԱՏԱՆԻ
ՏԵՍՉԻԿԱՆ ՄԱՐՄՈՒ
HEALTH AND LABOR INSPECTION BODY
OF THE REPUBLIC OF ARMENIA



0047-22, ք. Երևան, Լորի-Մարաշ, Ա. Արմենակյան 129
Հեռ. (374-10) 65-05-53, Էլ. փոստ՝ info@hlib.am
www.hlib.am
Թեժ գիծ՝ 8107

դ. դեղատնային գործունեության իրականացման յուրաքանչյուր վայրի համար էլեկտրոնային առողջապահության համակարգն սպասարկող օպերատորի հետ կնքված էլեկտրոնային առողջապահության համակարգին միացման և սպասարկման պայմանագրի պատճենը:

2) իրականացված միջոցառումների վերաբերյալ եռօրյա ժամկետում գրավոր տեղեկացնել Հայաստանի Հանրապետության առողջապահական և աշխատանքի տեսչական մարմնին:

2. Սույն վարչական ակտն ուժի մեջ է մտնում վարույթի մասնակիցներին իրազեկելուն հաջորդ օրվանից:

3. Սույն վարչական ակտն ստանալու օրվանից 2 ամսվա ընթացքում կարող է բողոքարկվել Հայաստանի Հանրապետության առողջապահական և աշխատանքի տեսչական մարմին, ինչպես նաև ՀՀ վարչական դատավարության օրենսգրքի 72-րդ հոդվածով սահմանված ժամկետում կարող է բողոքարկվել վարչական դատարան:

Սույն կարգադրագիրը ենթակա է ծանուցման «ՖԱՐՄ Ա.Բ.Ա» սահմանափակ պատասխանատվությամբ ընկերության տնօրեն Արամո Բադեյանին՝ ՀՀ, Գեղարքունիքի մարզ, քաղաք Վարդենիս, Վ.Համբարձումյան փողոց, տուն 23 հասցեով:



ԱՐՄԱՆ ՈՍԿԱՆՅԱՆ

2023 թվականի սեպտեմբերի 04

Վանաձոր



ՀՀ ԱՌՈՂՋԱԿԱՆ ԵՎ ԱՇԽԱՏԱՆԵՐԻ
ՏԵՍՉԱԿԱՆ ԿՈՐՊՈՐԱՑԻԱ
HEALTH AND LABOR INSPECTION BODY
OF THE REPUBLIC OF ARMENIA